



Boro/04/September-October/2023

BELIEVERS EASTERN CHURCH

Office of the Metropolitan, Synod secretariat, St. Thomas Community, Thiruvalla, kerala, India

गुमग्रानि लाइजाम

September/October 2023

बयबो आर्सबिसप आरो बिसपफोर, दैरि आरो डीकन फादार, इबानजेलिस्ट आरो अर्डा अफ सिस्तार्स आरो मुलुगनां बिलिबार्स ईस्टार्न सार्चनि बयनोबो बिफा, फिसा आरो गोथार जिउनि मुडाव बोर आरो गाहाम हामग्लायनायखौ जासिहरनाय थाबाय। अमेन!

ख्रीस्ट'नियाव अनजाग्राफोर,

महर सोलायनायनि फोरबोआव, जों गोसोखांहोजायोदि जोंनि अर्थडक्स ख्रीस्टियान जिउनि थाखियानो जाबाय ईसोरनि ईसोरारि आखलाव बासिननि सायाव बासिन सोलायजानाय (2 करिन्थियारि 3:18), आरो बेयो जाफुनो, गोसो सोलायनाया गोनांथार। बे दानाव, फैं जों गोसो सोलायनायनि माखासे बिथिंफोरनि सायाव नायनो इसे गोसो होसिननि।

1. गोसो सोलायनाया जाबायथानांगौ

गिर्जानि सासे मिथिसार जानाय सादुआ बुंदो, 'थाना थानो मोत्रैल' लामा दं; जानो हागौ जों फाप खालामनाडा एबा, फाप खालामोब्लाबो, जों गोसो सोलायनो गोनांथार। बासायजानायनि लामाया बेनोल।'

आरो जों फाप खालामा लाबा थानो हायैलाय, जों साफ्रोमबो लागारबो गोसो सोलायनो गोनांथार। गोसो सोलायनायाव, जेरैनो गोथार जिउआ जोंनि जिउआव सोलायनो गोनां बिथिंखौ दिन्थियो, जोंनि गोजाम सोलिनाय लामाखौ नागारनानै ख्रीस्ट'नि लामाखौ बोजबनो जोंनियाव गोसो थानायनि गोनांथि दं। बेनिखायनो गिर्जानि बिफा गुदिफोरा जिसुनि आर'जखौ खालामफ्लायदोमोन "फोरबु जिसु ख्रीस्ट", ईसोरनि फिसा हौवा, आं फापिनि सायाव अनखांहर।" आरो जेब्ला जों बेबादि खालामो, जोंखौ सुप्पानायजों ईसोरा फिन्नाय होयो। बेयो माब्रै जायो सादु जहनआ फोरमायदों, "जोडो जोंनि फापफोरखौ सिमान लाब्ला, बियो एसेग्राब फोथायजाग्रा आर धोरोमिया, बियो जोंनि फापफोरखौ नागारो आर जोंखौ गासैनो ओधोरोमनिफ्राय सुप्पायो" (1 जहन 1:9)।

2. सासाज्रां गोसो सोलायनो नाडा

सादु जहन बापतिस्मानि समाव, धोरोमिया जुदायारिफोरा गावसोरनि बासायजानाय आरो जुगामि रैखाथिनि थाखाय आब्राहामनि बंस'नि जानायनि सायाव सोनारनादोमोन। बेनिखायनो, बिसोरनि गोसो सोलायनाया गोबां समाव थौलेमोन, आरो जाउन महरै बिसोरनि जिउआव मुंबो सोलायनाया फैयाखैमोन। सादु जहन बापतिस्मानियाव बै इस्राएलारिफोरनि थाखाय मोनसे रादाब दंमोन: "नोंसोरो गोसो सोलायनायखौ दिन्थिग्रा खामानिफोर माव, आरो गावजों गाव होनज्लायनो नाडा: जोंहा आब्राहामआनो बिफा होन्नानै! मनोना आं नोंसोरखौ होनो, ईसोरआ बे अनथाइफोरनिफ्राय आब्राहामनो बिसाफोर उजिहोनो हागौ" (सादु

लुकास 3:8)। एखनब्ला जों सिगांनि आत्मिक मोन्दांथिनि बाहानाखौबो बाहायो, लागारबो गोसो सोलायनायनि गोनांथिखौ नेवसियो, आरो जोंनियाव थानाय ख्रीस्ट'निबादि नडै आखलनि फारसे नुनो मोनै जायो।

जायनि जाउनाव, जोंनि जिउनि गोबां बिथिडाव आत्मिकयै देरनो हायै जायो; जोंनि थाखाय ईसोरनि थांखिफोरा जाफुं होजायै जाना थायो; ईसोरआ जोंनो होनो नागिरनाय गोबां बान्थाफोरखौ खोमानो गोनां जायो; आरो जों बे संसाराव फोरबु जिसु ख्रीस्ट'नि थान्दै जानांगौबादि जानो हायै जायो।

3. थार गोसो सोलायनाय: “गोजाम सोलिनाय रोखोम” खौ ख्रीस्ट'नि जिउजों सोलायस्लाय

मा बेयो बांसावनाय, मेगन सानाय, बानाय, खुद्रिनाय, गुबुनफोरखौ सोंखारिनाय, सोलैनाय, मानियै, इनाय गोसो, निमाहा होयै, गावनिखौल' सानाय, सिं जानाय गैजायै, बिग्रायनाय, लुबैनाय, रायखोमानाय, एबा दिन्थिफ्लानाय? जानो हागौ नोंनि “गोजाम सोलिनाय रोखोमफोर” आ बे फारिलायाव गैया, नाथाय नोडो मिथिगौ बेफोरो मा मा।

थारै गोसो सोलायनो मोनसे गरन्थ' ला आरो बेफोर ख्रीस्ट'निबादि नडै सोलिनायखौ बोखारनानै फोरबु जिसु ख्रीस्ट'नियाव थानाय बै जिउखौ फसाक बादि गान, जेरै सादु पाउलआ लिरदों: फै जोडो बिनिखायनो खोमसिनि मावनायफोरखौ गारनानै फोरबु जिसु ख्रीस्ट'खौ गाननि। नोंसोर गाव गावनि गोजाम आखलफोरखौ गारदो आरो ईसोरनि महराव सोरजिजानाय नंथारगौ गोथों आरो गोथार दिन्थिनो हानाय गोदान अखलखौ लादो (रमारिफोर 13:12, 14; एफेसुस 4:22. 24)।

ख्रीस्ट'नियाव आंगोनि फिसाफोर, जों बावनो नाडा दि बासायजानाया सानफ्रोमबो जाबाय थानाय मोनसे बिथिं, आरो फै जों गिनाय आरो थोर थोर मावनायजों गाव गावनि बासायजानायखौ जाफुंहोनो हानायमानि नाजानि' (फिलिपियारि 2:12)।

फै जों भारतनि मनिपुर रायजोआव थानाय जोंनि फंबाय आरो बिनानावमोननि थाखाय आर'ज खालामबाय थानि - रैखाथि आरो सान्थिया फैफिन्नाय बादि।

बोलोग्रासिन ईसोरनि सान्थि आरो दयाया नोंसोरजों अरायबो थाथों।

गोथार गिर्जानि सिबिनाय हाबायाव,

ख्रीस्ट'नियाव नोंथानि बिफा



आथानेसियास यहान सेथि मेट्रपलिटान

Date : 18 August 2023

Place : Holy Synod

बिथोन: अन्नानै रोखा खालामदि फोथायारिफोरखौ थुलुंगा होनायनि थाखाय गंफ्रोम गिर्जाफोराव बेयो फरायजायो।